

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/45, 31.03.2020թ.

Բողոք բերող անձ՝ ԷԳՀ «Էներգակարգաբերում» ՓԲԸ

Պատվիրատու՝ «Զրառ» ՓԲԸ

Գնման ընթացակարգի ծածկագիրը՝ «ՀՀՏԿԵՆԶԿ-Զ-ԳՀԱՇՁԲ-20/4» գնանշման հարցում

Գնման առարկան՝ էլեկտրական սարքավորումների կարգաբերման և ստուգման աշխատանքների ձեռքբերում

Բողոքի պահանջը՝ Պարտավորեցնել ընթացակարգի գնահատող հանձնաժողովին՝

1. դադարեցնել ընթացակարգի գնահատող հանձնաժողովի կողմից կայացված «Դավիթշին» ՍՊԸ-ին ընթացակարգի 2-րդ չափաբաժնով ընտրված մասնակից ճանաչելու և վերջինիս հետ պայամանագիր կնքելու մասին որոշումը,
2. ընդունել որոշում ընթացակարգի 2-րդ չափաբաժնի մասով ընտրված մասնակից ճանաչել ԷԳՀԻ ՓԲԸ «Էներգակարգաբերում» մասնաճյուղին:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ.ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին
հասցե՝ ք. Երևան, Մելիք-Ադամյան փող. 1

Բողոք բերող անձ՝ «Էներգետիկայի գիտահետազոտական ինստիտուտ» ՓԲԸ
«Էներգակարգաբերում» մասնաձյուղ
հասցե՝ 0019, ք. Երևան, Այգեձորի 67
Պետական գրանցման համար՝ 264.065.1078439
Իրավաբանական անձի ծածկագիր(ԶԳԴ) 51658610
ՀՎՀՀ 01507302

Էլ. փոստ՝ *armenergy@adka.am*
Պատվիրատուի անվանումը՝ «Զրառ» ՓԲԸ

հասցե՝ ք. Երևան, Վարդանանց փակուղի 8ա

Գնման ընթացակարգի ծածկագիրը և առարկան՝ ՀՀՏԿԵՆՋԿ-Զ-ԳՀԱՇՁԲ-20/4, 2-րդ չափաբաժին

Դարձիչ շարժիչի, տիրիստորային ընդարձակիչների, ուղեային պաշտպանության և ավտոմատիկայի վերանորոգման, կարգաբերման և ստուգման աշխատանքների կատարման ծեռքբերման գնանշման հարցում

Բ Ո Ղ Ո Ք

Վեճի առարկան և բողոքը ներկայացրած անձի պահանջը

1. Գնման գործընթացի կազմակերպման իրավական հիմքը սահմանված պահանջներին համապատասխան հաստատված նաև հրապարակված, գնումների պլանն է, որը օրենքով սահմանված կարգով Պատվիրատուի կողմից հրապարակվում է տեղեկագրում, իսկ տեղեկագիրը www.procurement.am հասցեով գործող ինտերնետային կայքն է: Ըստ այդմ արձանագրում ենք, որ ՀՀՏԿԵՆՋԿ-Զ-ԳՀԱՇՁԲ-20/4 Ընթացակարգի հայտարարման պահին «Զրառ» ՓԲԸ հրապարակված գնումների պլանով Ընթացակարգի 2-րդ չափաբաժնով գնման առարկայի նախահաշվային գինը նշված է եղել 2.500 000 ՀՀ դրամ, իսկ ԷԳՀԻ ՓԲԸ «Էներգակարգաբերում» մասնաձյուղի հայտի գնային առաջարկը եղել 2 289 600 ՀՀ դրամ, որը չի գերազանցել գնման առարկայի նախահաշվային գինը, հետևաբար հիմքեր չեն եղել նախահաշվային գինը գերազանցելու պատճառով ԷԳՀԻ ՓԲԸ «Էներգակարգաբերում» մասնաձյուղին բանակցությունների հրավիրելու: Դրա վերաբերյալ Պատվիրատուն իրենից պահանջված պարզաբանման մեջ չի ժխտել, որ Ընթացակարգին ԷԳՀԻ ՓԲԸ «Էներգակարգաբերում» մասնաձյուղի ներկայացված հայտի գնային առաջարկը չի գերազանցել պաշտոնապես հրապարակված գնումների պլանում նշված գնման առարկայի նախահաշվային գինը, սակայն պատճառաբանել է, որ գնումների պլանում նշված գնման առարկայի նախահաշվային գինը չի համապատասխանել Ընթացակարգի հայտարարման պահին գնման առարկայի պատասխանատու ստորաբաժանման կողմից կազմված գնման հայտի գնին (պարզաբանումը կից ներկայացվում է): Գտնում ենք, որ Զրառ ՓԲԸ պատճառաբանությունը անհիմն է, քանի որ Ընթացակարգի իրավական հիմքը «Գնումների մասին» ՀՀ օրենքի 15-րդ հոդվածի 3-րդ մասի և ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 16-րդ և 17-րդ կետերով սահմանված պահանջների դրույթներն են, որոնց բերված պատճառաբանությունը ուղղակի հակասում է:

ՀՀ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ	
ԱՇԽԱՏԱԿԱԶՄ	
ՄՏԻՑ N	12137
4	«30» 03 20 2020

2. Ըստ ՀՀՏԿԵՆՁԿ-Ձ-ԳՀԱՇՁԲ-20/4 Ընթացակարգի հայտերի բացման արձանագրությունների՝ 2-րդ չափաբաժնին ներկայացվել են ՀՀ դրամով նշված հետևյալ գնային առաջարկները

Մասնակցի անվանումը	Ի ն ք ն ա ր ժ ե ք	Շ ա հ ու յ թ	Ա Ա Հ	Ը ն դ հ ան ու ր գ ի ն ը
«ԷԿՐԱ ԿՈՎԿԱՍ» ՍՊԸ	1 856 000	185 600	408 320	2 449 920
ԷԳՀԻ ՓԲԸ «Էներգակարգաբերում»	1 800 000	108 000	381 600	2 289 600
«Դավիթշին» ՍՊԸ	2 200 000	242 000		2 442 000
«ՏՔՆՍԹԱՔՇՆ» ՓԲԸ	2 160 200	237 820	479 964	2 879 784

Ընթացակարգի գնահատող հանձնաժողովը բավարար է համարել բերված աղյուսակի առաջին երեք մասնակիցների հայտերը, և առանց իրավական հիմքեր ունենալու պատճառաբանել է, որ այդ հայտերով գնային առաջարկները գերազանցում են գնման առարկայի նախահաշվային գինը և և նրանց հրավիրել է մրցակցային բանակցությունների: Բանակցություններին ԷԳՀԻ ՓԲԸ «Էներգակարգաբերում» մասնաձյուղին՝ ունենալով դրա իրավունքը՝ չի մասնակցել: «Դավիթշին» ՍՊԸ-ն բանակցությունների ժամանակ ներկայացրել է 1 600 000 ՀՀ դրամ գնային առաջարկ, «ԷԿՐԱ ԿՈՎԿԱՍ» ՍՊԸ-ն բանակցությունների ժամանակ ներկայացրել է 1 750 000 ՀՀ դրամ գնային առաջարկ: Գնահատող հանձնաժողովը նվազագույն գնային առաջարկ ներկայացրած «Դավիթշին» ՍՊԸ-ին ճանաչել է ընտրված մասնակից և կայացրել որոշում 2-րդ չափաբաժնով կնքել պայմանագիր «Դավիթշին» ՍՊԸ-ի հետ: Ակնհայտ է, որ անհիմն անցկացրած մրցակցային բանակցությունների արդյունքում Ընթացակարգի հանձնաժողովը ընդունել է ՀՀ գնումների մասին օրենքին հակասող ևս մեկ անհիմն որոշում, քանի որ գնահատող հանձնաժողովը պետք է մերժեր բանակցություններին մասնակցած երկու մասնակիցների հայտերը՝ հիմք ընդունելով Գնումների մասին Օրենքի 28-րդ հոդվածի 1-ին մասի 10-րդ կետը և Հրավերի 5.1-րդ կետը, քանի որ բանակցությունների ժամանակ մասնակիցները գնումների մասին ՀՀ օրենքով սահմանված կարգով իրավունք չունեին նվազեցնելու գնային առաջարկով ներկայացված ինքնարժեքի գումարը, իսկ այդ փաստը Հանձնաժողովը պետք է գնահատեր որպես հրավերով նախատեսված պայմաններին չհամապատասխանող և այդ հիմքով մերժեր մասնակիցների ներկայացրած հայտերը:

Ըստ բերված հիմնավորումների Գնումների հետ կապված բողոքներ քննող անձին խնդրում եմ, պարտավորեցնել ընթացակարգի գնահատող հանձնաժողովին՝

1. դադարեցնել ընթացակարգի գնահատող հանձնաժողովի կողմից կայացված «Դավիթշին» ՍՊԸ-ին ընթացակարգի 2-րդ չափաբաժնով ընտրված մասնակից ճանաչելու և վերջինիս հետ պայմանագիր կնքելու մասին որոշումը,
2. ընդունել որոշում ընթացակարգի 2-րդ չափաբաժնի մասով ընտրված մասնակից ճանաչել ԷԳՀԻ ՓԲԸ «Էներգակարգաբերում» մասնաձյուղին:

ԷԳՀԻ ՓԲԸ
«Էներգակարգաբերում» մասնաձյուղի տնօրեն


